

Sarajevo, 12.06.2019.godine

Klub zastupnika u Predstavničkom domu
Parlamenta Federacije BiH
Zastupnik Irfan ČengićZA:
BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r Predsjedavajućeg PD Parlamenta FBiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primiteno:	12-06-2019	x10	
Org. jed.	Br. o. l.	Priloga	Vrijednost
01	- 02	- 1221	/19

U skladu sa članom **172. Poslovnika** o radu Predstavničkog doma Parlamenta Federacije Bosne i Hercegovine, u skraćenoj parlamentarnoj proceduri podnosim:


Prijedlog**Zakona o izmjenama i dopunama Zakona o drumskom prevozu u Federaciji BiH.**

Molim vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu Vam dostavljam tekst Prijedlog zakona

S poštovanjem,

Irfan Čengić, zastupnik



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
KLUB ZASTUPNIKA SDP BiH
ZASTUPNIK IRFAN ČENGIĆ

(PRIJEDLOG)

ZAKON
O IZMJENAMA I DOPUNAMA ZAKONA O DRUMSKOM PREVOZU FEDERACIJE
BOSNE I HERCEGOVINE

Sarajevo, juni 2019.godine

ZAKON
O IZMJENAMA I DOPUNAMA ZAKONA O DRUMSKOM PREVOZU FEDERACIJE
BOSNE I HERCEGOVINE

Član 1.

U Zakonu o cestovnom prijevozu Federacije Bosne i Hercegovine ("Službene novine Federacije BiH", br. 28/06, 2/10) u članu 19. stav 2. dodaje se stav 3. koji glasi:

„ (3) Izuzetno u slučajevima kada se taksi vozilom planiraju prevoziti osobe sa invaliditetom vozilo može biti prilagođeno za prijevoz osoba sa invaliditetom suprotno odredbama ovog člana u stavu 2.“

Član 2.

U Zakonu o cestovnom prijevozu Federacije Bosne i Hercegovine ("Službene novine Federacije BiH", br. 28/06, 2/10) u članu 40. stav 1. dodaje se tekst koji glasi:

„ Izuzetno u slučajevima kada se taksi vozilom planiraju prevoziti osobe sa invaliditetom vozilo može biti prilagođeno za prijevoz osoba sa invaliditetom“

Član 3.

Zakon stupa na snagu osmog dana od dana objavljivanja u službenim novinama.

OBRAZLOŽENJE
ZAKONA O IZMJENAMA I DOPUNAMA ZAKONA O DRUMSKOM PREVOZU
FEDERACIJE BOSNE I HERCEGOVINE.

I USTAVNI OSNOV

Ustavni osnov za donošenje ovog zakona sadržan je u dijelu Poglavlju III A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

II RAZLOZI ZA DONOŠENJE

Konvencijom o pravima osoba sa invaliditetom Bosna i Hercegovina se obavezala poštovati i uvažavati prava osoba sa invaliditetom i vršiti prilagodbu zakonodavstva kako bi se spriječila diskriminacija osoba sa invaliditetom i izvršilo prilagođavanje osobama sa invaliditetom sa ciljem inkluzije osoba sa invaliditetom u društvo.

Jedan od problema koje osobe sa invaliditetom imaju svakodnevno jeste i korištenje javnog prevoza u šta spada prevoz taksi vozilima.

Kanton Sarajevo je pokrenuo inicijativu za izmjenu ovog zakona kako bi se omogućilo stavljanje u promet taksi vozila koja će biti prilagođena osobama sa invaliditetom.

Trenutni zakon ne ostavlja mogućnost kantonima da izdaju licencu taksi vozilu koje će biti prilagođeno prevozu osoba sa invaliditetom, zbog čega često osobe sa invaliditetom ne mogu pronaći odgovarajuće taksi vozilo koje bi mogli koristiti.

III. OBRAZLOŽENJE PRAVNIH RJEŠENJA

Članom 1. i 2. ovog Zakona se omogućava da nadležni organ može dati dozvolu vozilima za obavljanje taksi prevoza koje odstupa od zadanih karakteristika ukoliko je njegova namjena taksi prevoz osoba sa invaliditetom

IV. FINANSIJSKA SREDSTVA

Za provođenje ovog Zakona nisu potrebna dodatna finansijska sredstva iz budžeta Federacije Bosne i Hercegovine.